

15.  
L. N. 3.

# THESES DE INDOLE METAPHYSICES,

QUAS

*Consensu Ampliss. Facult. Philosoph.*

PRÆSIDE,

# MARTINO JOHANNE WALLENIO,

Matheseos PROFESSORE REG. & ORD.

*Publico examini modeste submittit*

# NICOLAUS H. FRIMAN,

WESTRO-GOTHUS,


DIE XXVIII. MAJI, MDCCCLXII.

L. H. A. M. S.

---

ABOÆ,

Impressit JOHAN CHRISTOPHER FRENCKELL.



# METAPHYSICÆ

## THESIS I.



Famosissima Heracliti sententia, qua omnia sensibilia fluxa statuebat, antiquissimis Græciæ Philosophis satis mature occasionem præbuit inquirendi de universalibus, quæ sensibilibus quasi substantarent, iisque magis perpetua, durabilia atque constantia essent, indeque pro objecto scientiarum proprie haberi possent.

## THES. II.

Ex hoc fonte profluxerunt omnia, quæ de ideis Platonicis, de numeris Pythagoricis, aliisque id genus commentis, passim a Philosophis priscorum temporum speciosius quam fructuosius disputata leguntur.

## THES. III.

JOHAN CHRISTOPHER PRINCETI

## THES. III.

Nec aliunde, quam ex decantata illa controversia Aristoteles occasionem sumvit adornandi opus XIV. librorum Metaphysicorum, in quibus ex professo hanc pertractat quæstionem: utrum præter res sensibiles sint separatae substantiæ.

## THES. IV.

Hoc agens in meditationem incidit de primis rerum caussis & principiis scientiarum catholicis, de ente, quatenus ens est, de generalissimis ejus affectionibus, universalissimis ejus conceptibus, & si quæ his sint similia.

## THES. V.

Quæ hinc postea ortum traxit Metaphysica Scholastica tot otiosis speculationibus, tot ineptis abstractionibus, tot spinosis quæstionibus passim scatet, ut potius nugamentum nugamentorum, quam instrumentum instrumentorum non dicam scientia scientiarum dici mereatur.

## THES. VI.

Interea certum est, haud parvi pretii veritates ibi nonnunquam sisti, sed nugis & tricis adeo intermixtas, ut qui has negligere, illas vero colligere didicerit, vere dici possit uniones in sterquilino querere.

## THES. VII.

Illud facile largientur, qui hic evolvi & exponi animadvertunt principia omni scientiarum generi communia, sine quibus nec Theologis nec Philosophis ad solidam rerum notitiam adspirare licet.

## THES. VIII.

Quicquid vero de Metaphysica Scholastica sit, hoc verum est, post renatas bonas litteras sensim & sensim ita exultam esse scientiam ontologicam, ut neminem pœnitere debeat moderatæ operæ, quam eidem addiscendæ impenderit.

## THES. IX.

Tantum enim abest, ut iis adsentiri possimus, qui, nostram disciplinam nihil nisi ineptas tricas & insulsas nœnias otiosorum ingeniorum continere opinantur; ut potius nobis persuassimum habeamus, reliquas omnes scientias partim obscuras partim incertas esse, nisi hujus lumine collustratae & confirmatae fuerint.

## THES. X.

Quocirca nimis durum videtur fuisse fatum, quod laudata scientiarum regina experiri coacta est tempore Regis Gustavi Adolphi, quo ab omnibus patriæ finibus exulare jussa nec publicis nec privatis in scholis caput extollere audebat, cunctis Metaphysicorum libris fisco adjudicatis. (a)

## THES. XI.

(a) Vid. Cap. IV. & Cap. XVIII. Const. Acad. citat. in Johan. Skyttes orat. hab. Ups. anno 1640 ubi verba ita: professores imprimis Philosophiaæ disciplinas suas clare & perspicue, sine omnibus scolasticorum perplexitatibus Metaphysicisque speculationibus, - - Juventuti proponent &c. conf. cum verb. Werdenhagen ibidem ciatatis ubi paucis præmissis ita: hoc cum etiam vidisset Modernus serenissimus, Gloriocissimus Rex Sveciæ Gustavus Adolphus, idem de talibus inutilibus argutiis

## THES. XI.

Quemadmodum vero sobrium metaphysicæ studium magnopere laudandum indicamus, ita male famam ducimus diligentiam eorum, qui in venandis subtilitatibus se moleste sedulos exhibent, nihil doctum arbitrantes, nisi quod plus vani acuminis, quam veri luminis contineat.

## THES. XII.

Quamvis enim, ut diximus, in emendanda scientia ontologica proximis his seculis multorum præclaræ fuerit industria, non dum tamen illud perfectio-  
nis fastigium vidit, ad quam eam evectam optant,  
quotquot de flore scientiarum vere solliciti sunt.

## THES. XIII.

Certe in promiscuis institutionibus metaphysi-  
cis adhuc non pauca occurrunt, quæ partim lectu  
tædiosa, partim perceptu difficilia, partim denique  
ad applicatu incommoda videantur, quantumvis sibi de  
ingenio & studio gratulentur auctores.

## THES. XIV.

Quid? quod passim reperiantur & compendia  
& Systemata metaphysica, quæ adeo obscura & spi-

)(3

nosa

sentiens, quod olim censuit Maximilianus primus Im-  
perator, recte publico edicto ante paucos annos omne  
Metaphysicæ studium cum logicali vanitate ita ex suo  
Regno exterminavit, ut nemo Bibliopolarum sub poena  
confiscationis tales libros ibi importare, aut subditorum  
quispiam legere & cognoscere ausit, ne nova barbarie  
regnum ipsi fascinetur, aut ille in rebus gerendis di-  
sputatores & glostatores vanos pro negotiorum effecto-  
ribus nanciscatur. Cfr. Holmann, Proleg. phil. pr. p. 87. 88.

nosa sunt, ut, qui ea legunt, idoneam habeant causam imitandi animositatem Lutheri, qui cum librum valde obscurum ad forum sedens legisset, nec quid sibi vellet percipere valuerit, vulcano eum tradidisse prohibetur, dicens: quia non vis intelligi, vis comburi.

## THES. XV.

Et quamvis pleraque tantum difficultatis non habeant, quin ab iis commode intelligi possint, qui maturo gaudent iudicio; semper tamen ad distinctam & completam sui perceptionem plus requirunt acuminis, quam quod in potestate est tironum, qui nondum id dexteritatis adquirere potuerunt, ut abstractis veritatibus, usitata metaphysicorum lingua propositis, capiendis sufficiat.

## THES. XVI.

Hinc egregiam mereretur laudem, qui vere dici posset compendium aliquod Metaphysicum adornasse captui tironum admodum, omniaque disciplinæ ontologicæ fundamenta tam simplici methodo exposita exhibens, ut pueris etiam cum intellectu tum applicatu facilia sint.

## THES. XVII.

Qui hoc præstare valuerit, tanto melius de flore scientiarum meruisse censendus est, quanto latius patet usus nostræ scientiæ, & quanto certius constat, solidam principiorum notitiam prius esse adquirendam, quam ad studia inde derivanda commode fieri potest progressus.

## THES. XVIII.

## THES. XVIII.

Quamvis autem alii præ aliis rectius in exponendis principiis omni scientiarum generi communibus versentur; num tamen cuidam adhuc contigerit, omnibus virtutibus ornatum reliquisse scriptum metaphysicum, quale nostro quidem iudicio esse deberet, in quo meditationis soliditas, ordinis concinnitas & dictio[n]is amœnitas per omnia reluceret, certo statuere nolumus.

## THES. XIX.

Hujusmodi vero institutionem metaphysicam tanto diutius necessum habuimus desiderare, quanto difficilius res ipsæ planum docendi modum admittere videntur, quod vix alias detur aditus ad generales rerum notiones, quam qui per abstractiones bene multas patere solet.

## THES. XX.

Huc accedit, quod hoc quidem ab aliis præstari nequeat, quam qui in scriptis metaphysicorum versatissimi sint, ob eamque caussam obscuro & spinoso scribendi generi adeo advetum gerunt calamum, ut alteram quasi naturam sequantur, cum barbarem & inamœnam adhibent dictio[n]em.

## THES. XXI.

Quocirca illis solis concessum esse arbitror facilem & felicem scribendi rationem in hoc studiū genere adhibere, qui tanto & ingenii lumine & judicii acumine abundant, ut pene inter naturæ miracula locum mereantur.

## THES. XXII.

THES. XXII.

Non desunt, qui varia errorum genera, operatuarum metaphysicarum partim in scenam producere, partim palliare sategerunt, adeo ut pessimum quoque Atheismum hoc quasi vehiculo animis incautiorum infundere non erubuerint.

THES. XXIII.

Qui tamen ideo omnem metaphysicæ laudem tollunt, eamque viam pandere docent ad abnegationem Dei O. M., ii inter usum & abusum scientiæ non satis prudenter distingvunt, sed veri & falsi nominis metaphysicam imprudentissime, confundunt.

THES. XXIV.

Hinc summo studio cavendum, ne quid errornei in hac disciplina admittatur, quippe in qua omnium minime impune labi & decipi licet.

THESES. XXV.

Nam levissimus nævi pulvisculus in doctrina principiorum, quæ nostræ scientiæ propria est, facile in gravissimos errorum montes excrescere potest.

